



SLUŽBENE NOVINE OPĆINE ZENICA

GODINA XXXVII
Broj 6

Ponedjeljak,
15.08.2011.godine
Zenica

ISSN 1840-4588

VIJEĆE OPĆINE

77.

Na osnovu člana 2. Zakona o osnovama sigurnosti saobraćaja na putevima u Bosni i Hercegovini ("Službeni glasnik BiH", broj: 6/06,75/06, 44/07, 84/09 i 48/10) i člana 22. tačka 2. Statuta općine Zenica („Službene novine općine Zenica”, broj: 4/08) Vijeće općine Zenica na svojoj 32. sjednici održanoj 28. jula 2011. godine, donijelo je

ODLUKU

o izmjenama i dopunama Odluke o organizaciji i sigurnosti saobraćaja na cestama

Član 1.

Ovom Odlukom vrše se izmjene i dopune Odluke o organizaciji i sigurnosti saobraćaja na cestama („Službene novine općine Zenica“, br. 8/08) (u daljem tekstu: Odluka).

Član 2.

U članu 4. Odluke iza stava 5. dodaje se novi stav 6. koji glasi:

“Inspekcijski nadzor iz člana 4. stav 3. Odluke vrši Služba za inspekcijske poslove i Kantonalna uprava za inspekcijske poslove”.

Član 3.

U stavu 1. člana 17. Odluke riječi „60 km na sat“ zamjenjuju se riječima „50 km na sat“.

Član 4.

U stavu 3. člana 18. Odluke briše se tekst “iz pravca Carine”.

U istom stavu iza tačke 6. dodaje se nova tačka 6a) koja glasi:

“6a) Vozila zaštitarskih agencija kada obavljaju poslove i zadatke iz svoje nadležnosti, bez ograničenja, na osnovu posebne dozvole koju izdaje nadležna policijska uprava.”

Dosadašnje tačke 7. i 8. mijenjaju se i glase:

“7. Teretna vozila ukupne mase do 5 tona i putnička motorna vozila koja vrše snabdijevanje domaćinstava, trgovinskih i drugih organizacija u vremenu od 06 do 10 i od 17 do 19 sati, na osnovu posebne dozvole koju izdaje nadležna policijska uprava.

8. Vozila čiji vlasnici imaju garažu, vlastito parkiralište, kao i za potrebe invalidnih osoba koja imaju prebivalište unutar zabranjene zone bez ograničenja uz izdavanje posebne dozvole koju izdaje nadležna policijska uprava Zenica.”

Član 5.

U članu 25. stav 1. iza tačke 7. dodaju se nove tačke 8., 9., 10., 11., 12., 13., 14., 15., 16., 17., 18. i 19. koje glase:

“8. na obilježenom pješačkom prijelazu i na udaljenosti manjoj od 5 m od tog prijelaza, kao i na prijelazu biciklističke staze preko kolovoza;

9. na prijelazu puta preko željeznike pruge u istom nivou;

10. na željezničkim prugama ili u blizini tih pruga ako se time sprečava ili ometa saobraćaj vozila koja se kreću po šinama;

11. na raskrsnici i na udaljenosti manjoj od 5 m od najbliže ivice popriječnog kolovoza,

12. u tunelima, na mostovima, u podvožnjacima i na nadvožnjacima, kao i na dijelovima puta ispod mostova i nadvožnjaka i na udaljenosti manjoj od 15 m od tih objekata;

13. na dijelu puta u blizini vrha prijevoja i u krivini gdje je preglednost puta nedovoljna i gdje se obilaženje vozila ne bi moglo izvršiti bez opasnosti;

14. na dijelu puta na kojem bi širina slobodnog prolaza od zaustavljenog ili parkiranog vozila do neisprekidane uzdužne linije na kolovozu, ili do suprotne ivice kolovoza, ili do neke prepreke na putu, bila manja od 3 m;

15. na mjestu na kome bi vozilo zaklanjalo postavljene saobraćajni znak ili uređaj za davanje svjetlosnih saobraćajnih znakova;

16. na biciklističkoj stazi, odnosno traci;

17. na dijelu kolovoza koji je kao stajalište za vozila javnog saobraćaja obilježen saobraćajnim znakom i oznakama na kolovozu;

18. na svim uređenim zelenim površinama, parkovima i sl.;

19. na mjestu koje je označeno kao parking-prostor za lica s invaliditetom ako vozilo nije obilježeno znakom iz člana 29. st.(2) i (3) Zakona.”

Član 6.

Iza člana 25. dodaje se novi član 25 a) koji glasi:

“Osim u slučajevima iz člana 25. ove Odluke, vozač ne smije parkirati vozilo naročito na:

1. dijelu puta ispred prijelaza puta preko željezničke pruge u istom nivou, i to na udaljenosti manjoj od 15 m od tih prijelaza;

2. udaljenosti manjoj od 15 m ispred i iza znaka kojim je obilježeno stajalište za vozila javnog saobraćaja;

3. prolazima i ulazima škola, ustanova, preduzeća, stambenih zgrada i drugih objekata i iznad priključka na vodovodnu mrežu i ulaza u kanalizacionu ili drugu mrežu komunalnih organizacija;

4. mjestu na kome bi parkirano vozilo onemogućilo pristup drugom vozilu radi parkiranja ili izlazak nekom već parkiranom vozilu;

5. trotoaru, odnosno na pješačkoj stazi, ako to nije izričito regulirano saobraćajnim znakom, a ako je parkiranje dozvoljeno, mora se ostaviti najmanje 1,6 m širine na površini za kretanje pješaka s tim da ta površina ne može biti uz ivicu kolovoza;

6. na kolovozu s dvije saobraćajne trake gdje se saobraćaj odvija u oba smjera;”

Član 7.

U članu 26. tekst “iz člana 18. od tačke 1. do tačke 8. ove Odluke.” zamjenjuju se tekstom “iz člana 18. tačka 6. i tačka 8. ove Odluke.”

Član 8.

U stavu 2. člana 34. iza riječi “Jevrejska” tačka se zamjenjuje zarezom i dodaje se tekst “Sarajevska, Trg BiH i Masarykova.”

Član 9.

U stavu 2. člana 40. iza teksta “premještanje vozila” dodaju se tekst “kao i blokada pogonskih točkova”.

Član 10.

U članu 50. stav 1. mijenja se i glasi:

“Cijene naknade premještanja, čuvanja vozila i blokadu pogonskih točkova utvrđuje Skupština JP “Parking servis” d.o.o. Zenica na prijedlog Nadzornog odbora ovog javnog preduzeća.”

Član 11.

U članu 51. stav 3. tekst “u vremenu od 06,00 do 09,00 i od 12,00 do 16,00 sati, a subotom i srijedom od 06,00 do 16,00 sati” zamjenjuju se tekstom “u vremenu od 06,00 do 08,00 sati i od 12,00 do 17,00 sati, a subotom i srijedom od 12,00 do 15,00 sati”.

U istom članu dodaje se novi stav 4. koji glasi:

“Osposobljavanje kandidata za vozače motornih vozila koji su obavili obuku preko 15 nastavnih sati na upravljanju motornim vozilima ne odnosi se zabrana kretanja iz stava 2. ovog člana, kao i u vrijeme polaganja za vozača motornih vozila.”

Član 12.

U članu 55. tekst “do 16,00 sati” zamjenjuju se tekstom “do 17,00 sati”.

Član 13.

U članu 67. iza tačke 4. dodaje se nova tačka 4 a) koja glasi:

“4a). vozač vozila koji zaustavi ili parkira vozilo protivno odredbama člana 25. i člana 25 a) ove Odluke”.

Dosadašnja tačka 5. postaje tačka 6. i tako redom.

Član 14.

Ova Odluka stupa na snagu osmog dana od dana objavljivanja u „Službenim novinama općine Zenica“.

Broj: 01-01-15496/11-1

Zenica, 28. 07. 2011.godine

PREDSJEDAVAJUĆI
VIJEĆA OPĆINE ZENICA
Nebojša Nikolić

78.

Na osnovu člana 22., 74. i 79. Statuta općine Zenica («Službene novine općine Zenica», broj: 4/08), člana 12. Odluke o organizaciji mjesne samouprave («Službene novine općine Zenica», broj:1/10) i člana 37. Poslovnika Vijeća općine («Službene novine općine Zenica», broj: 2/10) Vijeće općine Zenica na 32. sjednici održanoj 28. jula 2011. godine, donijelo je

ODLUKU

o dodjeli mandata kandidatima za članove savjeta u pojedinim mjesnim zajednicama

Član 1.

Zbog prestanka mandata članova savjeta pojedinih mjesnih zajednica DODJELJUJE SE MANDAT sljedećim kandidatima sa listi za izbor savjeta u sljedećim mjesnim zajednicama:

1. U MZ »Gorica« Bulagić Eldinu kao sljedećem po broju glasova, a zbog podnošenja ostavke člana Savjeta Beganović Samije.

2. U MZ «Donje Babino» Omić Edinu kao sljedećem po teritorijalnom principu i po broju glasova, a zbog podnošenja ostavke člana Savjeta Dudić Senada.

3. U MZ »Gradišće« Talić Senadu, Okan Senaidu i Hinović Vahidu zbog podnošenja ostavki članova Savjeta Skomorac Admira, Talić Sifeta i Delić Zijada».

Član 2.

Ova odluka stupa na snagu danom donošenja i objaviće se u «Službenim novinama općine Zenica».

Broj: 01-01-15498/11

Zenica, 28. juli 2011. godine

PREDSJEDAVAJUĆI
VIJEĆA OPĆINE ZENICA
Nebojša Nikolić

79.

Na osnovu člana 22., 74. i 79. Statuta općine Zenica («Službene novine općine Zenica», broj: 4/08), člana 12. Odluke o organizaciji mjesne samouprave («Službene novine općine Zenica», broj:1/10) i člana 37. Poslovnika Vijeća općine («Službene novine općine Zenica», broj: 2/10) Vijeće općine Zenica na 32. sjednici održanoj 28. jula 2011. godine, donijelo je

ODLUKU

o dodjeli mandata kandidatima za člana i predsjednika Savjeta MZ «Radinovići»

Član 1.

Karalić Hasi dodjeljuje se mandat predsjednika Savjeta u MZ «Radinovići», zbog podnošenja ostavke na funkciju predsjednika Savjeta MZ «Radinovići» Karalić Sifeta.

Član 2.

Šišman Sabahudinu dodjeljuje se mandat člana Savjeta MZ «Radinovići» kao sljedećem po broju glasova sa liste za izbor Savjeta.

Član 3.

Ova odluka stupa na snagu danom donošenja i objaviće u «Službenim novinama općine Zenica».

Broj: 01-01-15500/11

Zenica, 28. juli 2011. godine

PREDSJEDAVAJUĆI
VIJEĆA OPĆINE ZENICA
Nebojša Nikolić

SADRŽAJ

VIJEĆE OPĆINE

77. ODLUKA o izmjenama i dopunama Odluke o organizaciji i sigurnosti saobraćaja na cestama..... 1
78. ODLUKA o dodjeli mandata kandidatima za članove savjeta u pojedinim mjesnim zajednicama 3
79. ODLUKA o dodjeli mandata kandidatima za člana i predsjednika Savjeta MZ «Radinovići»..... 3